


書名 錦繡萬花谷續集四十卷
 嘉靖十五年序錫山秦
 汴鑄石書堂刊本後修
 撰者 宋 闕名 撰
 卷 卷二十八
 內容分類 子-類書-彙考-宋
 索書號 大木-子部-類書類-31
 編號 C5924800

卷二十八



錦繡萬花谷續集卷之十八

類

後進領袖裴秀八歲能屬文時語曰後進領袖有裴秀

後為晉空 晉本傳

玉山裴楷以清通用為吏部郎時人稱見裴叔則

如近山映照人也 本傳

裴松之博覽墳籍立身簡素宋武帝克洛陽
 行事武帝曰松之廊廟之才不宜久居邊務

沈馬轉中書侍郎 南史

表駿魏太祖曰駿有當世才其忠義可嘉補

崔浩目為三河領袖宋使來聘以駿有才學

彩色首頁1

[東洋文化研究所漢籍目錄 編號 C5924800](#)

[東洋文化研究所漢籍目錄所藏漢籍善本文影像資料庫 索書號 大木-子部-類書類-31](#)

[漢籍善本文影像資料庫文本 錦繡萬花谷續集四十卷 嘉靖十五年序錫山秦汴鑄石書堂刊本後修](#)

版權所有: 東京大學 東洋文化研究所

使用上的注意事項



進士第一 詹駉字晉卿淳熙乙未擢進士第一人

錦繡萬花谷續集卷之二十七

錦繡萬花谷續集卷之二十八

類姓

董

良史

左宣公二年孔子曰董狐古之良史也書法不隱

參龍

昭公二十九年蔡墨曰昔董父甚好龍龍多歸之

乃擾畜龍以服事帝舜賜姓曰董氏參龍

枹鼓不鳴

董宣為洛陽令搏擊豪強莫不震懾京師號

為卧虎歌曰枹鼓不鳴

董少平光武勅曰強項令後漢

平字少

孔

明德必有達人

孟僖子曰吾聞將有達者曰孔丘其祖

弗父何以有宋而授厲公及正考父佐戴武宣三命茲

益恭故其鼎銘曰一命而僂再命而偃二命而俯其恭也如是臧孫紇有言聖人有明德者若不當世其後必有遠人今其將在孔丘乎左昭七年

古文尚書孔氏有古文尚書孔安國以今文字讀之因以起其家

賜靈壽杖孔光字子夏經學尤明舉方正為諫大夫兄弟妻子燕語不及朝省政事或問温室省中樹皆何木光默不應答以他語賜靈壽杖歸老于第凡為御史大夫丞相各再居公輔位前後十七年並前漢史

立學校表儒術孔融字文舉十歲見李膺語門者曰我是李君通家子弟膺問之融曰先君孔子與君先人李老君同德比義而相師友則融與君累世通家為北海

相立學校表顯儒術雖一介之善莫不加禮坐上客常滿樽中酒不空薦達賢士多所獎進海內英俊皆信服之後漢史

聖者子孫孔僖魯人帝幸魯祠孔子於闕里及七十二弟子作六代之樂大會孔氏男子二十以上者六十二人帝謂孔僖曰今日之會寧於卿宗有光榮乎對曰云云至於光榮非所敢承帝大笑曰非聖者子孫焉有斯言乎拜僖郎中

以儒素顯孔安國字安國以儒素顯歷尚書左右僕射

史晉

神君孔奐字休文仕梁除晉陵太守清白自守秩俸分贍孤寡號曰神君南史

撰五經正義 孔穎達八歲就學誦記日千餘言閣記三禮義宗善屬文通步曆大業初舉明經高第煬帝召天下儒官集東都詔國子祕書學士與論議穎達為冠又年最少老師儒耻出於其下初與顏師古撰五經義訓凡百餘篇詔改為正義云

持笏碎蛇首 皇明孔道輔孔子四十五世孫舉進士為寧州推官道士治真武像有蛇穿其前郡將帥其屬往奠拜之道輔持笏碎蛇首而去一郡皆驚使契丹虜主酌以大卮曰天寒飲此可以致和氣道輔曰不和固無害除右諫議大夫御史中丞

父子兄弟齊名 孔平仲舉進士 徽宗即位召為戶部外郎出使陝西帥鄜延環慶 皇朝以文章名世父子

兄弟齊名者甚衆若三蘇三劉三沈三孔則其章章尤著者也

鞏

甸內侯 左傳周卿士鞏簡公甸內侯也晉有鞏朔漢有侍中鞏攸陽翟皇戶部郎中鞏弘武

項

八歲服孔子 左傳云滅項公羊曰為齊桓公所滅子孫以國為姓項託八歲服孔子項燕下相人為楚將子梁梁兄子籍號西楚霸王項他項伯項襄並籍之族漢初並封賜姓劉氏

史

直哉如矢 論語曰直哉史魚邦有道如矢邦無道如矢

晉多君子 史趙曰亥有二首六身下二如身是其日數

也魯使者在晉歸語季武子曰晉未可媮也有趙孟以為大夫有史趙師曠而咨度焉其多君子也左襄公三十年

趙鞅卜救鄭 晉趙鞅卜救鄭占諸史趙史墨史龜史龜

曰是謂沈陽可以興兵利以伐姜左哀公九年

活千餘人 史弼字公謙出為平原相詔書下舉鈞黨弼

獨無所上濟活者千餘人遷河東太守被詔當舉孝廉

知多權貴請託迺豫勅斷絕書屬後漢史

好讀兵書 史萬歲少英武驍健若飛好讀兵書在隋以

平尉遲迥之功拜上大將軍前後七百餘戰轉闔千里

破諸夷三十餘部於是勒石頌美餘德北史

紀

金東箭 紀瞻字思遠少以方直知名舉秀才召拜尚

書郎才兼文武朝廷稱其忠量雅正卧護六軍明帝嘗

獨引瞻於廣室慨然憂天下曰社稷之臣今無復十人

如何因乞指曰君便其一乃南金東箭世胄高門望重

縉紳官成名立晉史

是

忠亮公正 是儀字子羽本姓氏孔融嘲儀言氏字民無

上可改為是遂改焉忠亮公正之士輔太子為傅盡忠

動輒規諫事上勤與人恭拯瞻貧困家無儲蓄時時有

所進達未嘗言人之短拜尚書僕射吳志

米

寶月觀賦 米徽字元章少負英聲前輩鉅公皆器重之

東坡先生尺牘有云嶺海八年念五元章邁往凌雲之
氣清雄絕俗之文超邁入神之字何時見之以洗瘴毒
今真見之兒子於何處得寶月觀賦琅然誦之老夫卧
聽未半蹶然而起恨二十年相從知元章不盡此賦當
過古人不論今世也公當有大名不勞我輩說也

禰

鷲鳥不如一鶚禰衡字正平尚氣剛傲矯時慢物嘗陰
懷一刺既而無所之適至於刺字漫滅孔融薦之曰鷲
鳥累百不如一鶚使衡立朝必有可觀後漢史

李

藏室之史老子姓李名耳字伯陽謚曰聃周守藏室之
史也孔子問禮於老子著書言道德之意五千餘言

學帝王之術李斯楚上蔡人也從荀卿學帝王之術西
說秦王以為丞相下禁書之令並史記

飛將軍李廣隴西成紀人才氣天下無雙文帝曰惜廣
不逢時令高祖世萬戶侯豈足道哉廣行無部伍行陣
人人自便不擊刁斗莫府省約文書匈奴號曰飛將軍
結髮與匈奴大小七十餘戰以石為虎射之没矢太史
公曰李將軍悛悛如鄙人口不能道辭及死之日天下
知與不知皆為盡哀諺曰桃李不言下自成蹊史記

協律都尉李延年女弟得幸號李夫人延年善歌為新
變聲為協律都尉前倭幸傳

有國士風李陵字少卿所將皆荆楚勇士奇材劔客力
拒虎射命中願得自當一隊持步卒五千深操戎馬之

地矢盡而降司馬遷以為有國士之風雖古名將不過也
前本傳

可與語孫吳李靖字藥師嘗謂所親曰丈夫遭遇要當以功名取富貴何至作章句儒其舅韓擒虎每與論兵輒嘆曰可與語孫吳者非斯人尚誰哉
唐史

賢長城李勣字懋功本姓徐氏高陽賜姓附屬籍治并州十六年以威肅聞帝嘗曰煬帝不擇人守邊勞中國築長城以備虜今我遣勣守并突厥不敢南賢長城遠矣勣既忠力帝謂可托大事嘗暴疾醫曰用鬚灰可治帝乃自剪鬚以和藥及愈入謝頓首流血帝曰吾為社稷計何謝為後留宴顧曰朕思屬幼孤無易公者公昔不遺李密豈負朕哉太宗時畫象凌煙閣帝自序之

言可千金李大亮有文武才畧高祖入關大亮自歸授土門令擢金州司馬貞觀初嘗有臺使見名鷹諷大亮獻之大亮密表曰陛下絕畋獵久矣而使若求鷹信陛下意耶乃乖昔旨如其擅求是使非其才太宗報書曰有臣如此朕何憂古人以一言之重訂千金今賜胡瓶一維亡千鎰乃朕所自御又賜荀悅漢紀曰悅議論深博極為政之體公宜繹味之

三世掌制誥李安期百藥子也亦七歲能屬文對高宗曰比見公卿有所薦進皆劾為明黨所以人人爭噤嘿以避謗若陛下忘其親讐惟才是用誰敢不竭忠以聞數預決國事自德林至安期三世皆掌制誥

星鳳凰李渤刻志於學隱廬山久之徙少室元和初

李巽韋况文章薦之詔以右拾遺召渤謝不拜洛陽令韓愈遺書曰朝廷士引頸東望若景星鳳凰爭先親之為快渤心善其言

夢人遺雙筆李嶠字巨山為兒時夢人遺雙筆自是有文辭十五通經二十擢進士第舉制策甲科後遷給事中再召為鳳閣舍人

判不可移李元紘本姓丙氏賜姓李氏為雍州司戶時太平公主勢震天下嘗與民競碾碓元紘還之民長史驚趣改之元紘大署為後曰南山可移判不可移

為宗臣表李勉少貧與諸生共逆旅諸生疾死出白金曰左右無知者幸君以此為葬餘則取之勉諾既葬密置金棺下後其家謁勉共啓出金付之所得俸賜盡矣

親黨在朝鯁亮廉介為宗臣表拜嶺南節度使加平章事

戰功第一李光弼嚴毅沈果有大略寶應元年進封臨淮郡王光弼用兵謀定而後戰能以少覆衆治師訓整天下服其威名軍中指顧諸將不敢仰視初與郭子儀齊名世稱李郭而戰功推為中興第一其代子儀朔方也營壘士卒麾幟無所更而光弼一號令之氣色乃益精明云

時稱得人李吉甫字洪憲自翰林學士為中書侍郎平章事吉甫謂裴垪曰朝廷後進罕所接識君有精鑒願悉為我言之垪取筆疏三十餘人數月之間選用略盡當時翕然稱吉甫為得人吉甫居安邑里

時號安邑李丞相

搜次君臣成敗李絳擢進士宏辭補渭南尉拜監察御史元和二年授翰林學士知制誥帝欲廢幾二祖風烈絳曰陛下誠能正身勵已尊道德遠邪佞帝曰美哉斯言朕將書諸紳詔絳與白居易等搜次君臣成敗五十種爲連屏張便坐帝每閱視

上丹宸箴李德裕字文饒吉甫子也力學有大節以蔭補校書郎擢翰林學士凡號今大典冊皆更其手數召見資質優華潤州南方信幾祥雖父母厲疾子棄不敢養德裕諭以孝慈大倫之義帝數游幸德裕上丹宸六箴詔厚謝其意徙劔南西川乃建籌邊樓又請甲人曰人弩人分戍諸處率戶二百取一人使習戰緩則農急則戰謂之雄邊子弟總十一軍以制諸賊於是二邊寢

懼

文名天下李邕字泰和旣冠見李嶠自言讀書未徧願一見祕書嶠曰祕閣萬卷豈時日能習邪固請乃假之未幾辭去嶠驚試問奧篇隱帙了辨如響嶠薦爲內史拜侍御史帝封泰山還詔獻辭賦帝悅邕早有名重義入朝人間傳其眉目怪異至阡陌聚觀後生望風門巷填隘文名天下時稱李北海

竹溪六逸李白字太白白之生母夢長庚星因以命之十歲通詩書蘇頲異之謂學可比相如輕財重施好擊劍與孔巢父等居徂來山號竹溪六逸天寶初至長安賀知章見其文嘆曰子謫仙人也言於玄宗召見金鑾殿論當世事奏頌一篇帝賜食親爲調羹有詔供奉翰

林白與其徒醉于市帝坐沉香子亭意有所感欲得白為樂章召入白已醉使力士脫鞵力士耻之白驚放與知章等八人為酒八仙白浮游四方嘗乘月與崔宗之自采石至金陵著宮錦袍坐舟中旁若無人

時政記進御李昉字明遠太平興國元年除參知政事

拜平章事太宗嘗語輔臣曰朕何如唐太宗皆曰陛下堯舜之主也何太宗之足云昉獨無言徐誦白居易詩云怨女三千放出宮死囚四百來歸獄太宗拱手曰朕不及也昉請復時政記先進御然後付史館時政記進御自昉始也皇朝

舉進士第一李迪少從柳開學為古文開曰此公輔器也舉進士第一除將作監丞通判徐州天禧元年拜給

事中參知政事東宮建以迪為太子少傅後拜同平章事集賢殿大學士

藏書山房李常字公擇遷禮部侍郎後改兵部尚書出知鄧州徙成都府常少讀書於廬山五老峯白石菴之僧舍書幾萬卷常既貴思欲遺後之學者乃藏於山中時人目其居曰李氏藏書山房而蘇軾為記其事云

父子妻之李清臣少孤事母兄孝友自力學問韓琦以其兄之子妻之皇祐中舉進士治平中舉制科後以資政大學士知大名府

錦繡萬花谷續集卷之二十八

錦繡萬花谷續集卷之二十九

類姓

許

月旦評許劭少峻名節好人倫多所賞識與從兄靖俱有高名好共覈論人物每月輒更其品題故汝南俗有月旦評兄虔亦知名汝南人稱平輿淵有二龍後漢史

孝順里許孜親沒負土建墓號其居為孝順里旌表門

閭

晉孝義傳

神童許善心多聞嘿識為當時所稱謂為神童任隋除祕書丞嘗製神雀頌文不加點筆不停毫

許景先舉手筆俊拔擢茂才異等連中授侍御史抨按不避近強知制誥以雅厚稱張說曰許